

Untödlichen Ewigē h. e. Immortali Phi-
losophiæ ganz vnd gar ergeben/ vnd darbei
biß in mein end vnd gruben hinein derē Dis-
cipulus vnd Alumnus bleiben will / sinte-
mahllich der falschen Heydnischen Philoso-
phien/ so nicht auß dem wahren gründlichen
Licht vnd Fundament der Natur geht
ganz vnd gar abgesagt/ vnd valedicirt, weil
außerhalb Christo vnd seiner Weißheit / in
der Welt nichts ist dann Vanitas Vanita-
tum: Vnd die Weißheit ich suche vnd suchē
will/ bey dem sie zu suchen vnd zu finden ist/
dahin mich der Heylige Jacobus in seiner
Epistel weist. Wo müssen wir aber zu
vnserm Intent vnd Erforschung der Natur
kommen/ Großgünstig Herren vn̄ Freund?
Hinderin offen daheim lernet sich warlich
nicht/ vnd wenn wir aller Philosophen Bü-
cher vberm hauffen hetten/ vnd die tag vnd
nacht herum stürnten/ vnd darauß erler-
nen wolten/ Nein es thuts nicht: Sondern
wann wir die Natur in vnserer Philosophiei
durchforschen wollen/ vnd zu einem gewün-
schten glückseligen end gelangen/ so müssen
wir d' Natur bücher mit vnsern Füßen tret-
ten/ Die Geschrifft erforschet man durch ih-
ren Buchstaben: Die Natur aber durch
Land